

KGATISO 2 LEKWALODIKGANG 2025



BAGWEBI BA SELEGAE BA A ALOGA



Letsatsi la kalogo kwa Thuthuso ya Kgwebo ya Reisa le ne le tletse ka boitumelo jo bagolo. Mmogo le Raizcorp, re tlotlomaditse katlego ya bagwebi ba selegae ba ba dirileng ka natla go aga le go godisa dikgwebo tsa bone ka lenaneo la rona la tlhabololo ya dikgwebo.

Tiragalo e e ne ya tlotlomatsa di-SMME di le 11 tse di feditseng katiso ya tsona ka mananeo a rona a Tlhabololo ya Kgwebo, Lenaneo la Go Dira Kgwebo e Rekise (BCP) le Lenaneo la Tlhabololo ya Borakgwebo la dingwaga tse tharo.

"Lenaneo la REISA le ne la tshegetsa kgwebo ya me ka go thusa go tlhabolola dikgwebo tsa me le Raizcorp. E ne ya nnaya kitso le tshegetso ya go godisa kgwebo ya me go ya kwa maemong a ke neng ke a solofetse." - Antoinette Bontle Lehula, yo mongwe wa baalogi.



POROJEKE YA ITEKANELO YA UBUNTU E TSWELETSA DIKOLO TSE DI BABALESEGILENG

Re ne re le motlotlo go nna baamogedi ba Porojeke ya Itekanelo ya Ubuntu, ka tirisanommogo le Boipelo Resources, go ralala dikolo tsothle di le robongwe tsa Gamagara. Thulaganyo e e neng e tsamaiswa ke PrisonDENT, e ne e ikaletse go rotloetsa dikolo tse di babalesegileng le go thibela bosenyi ka go naya baithuti kitso le mekgwa e e tlhokegang go dira ditshwetso tse di siameng mo botshelong.



Dithuto tseno di ne di bua ka ditlhogo tse di bothokwa tse di jaaka ditlamorago tsa go dira bokebekwa, bothokwa jwa thuto, go itshepa, go ikitse le go emelana le kgatelelo ya balekane.




GO AMOGELA BAITHUTATIRO BA RONA BA BA NTŠHWA

Re itumeletse go amogela baithutatio ba le babedi ba bašwa mo sethopheng sa REISA, jaaka karolo ya maitlamo a rona a a tsewetseng a go tlhabolola bašwa le go maatlafatsa bokgoni jwa selegae. Rhyno Ditamale o tsenye jaaka moithutatio wa Tirelo ya Botegeniki, mme Omphile Matebesi o tsenye jaaka Moithutatio wa Tiragatso ya Loago.

Bobedi jwa bone ba simolotse loeto lwa bone ka di 1 Phukwi 2025, koo ba bonang maitemogelo le go rutiwa ka tsela e e rulaganeng mo mafapheng a bone. Maikarabelo a bone a dira gore ba kgone go bona ditiro tsa letsatsi le letsatsi tsa madirelo a motlakase wa letsatsi le dikantoro tsa selegae, mme seo se dira gore ba nne le bokgoni jwa go dira dilo dingwe le go tlhloganya tsela e madirelo ano a dirang ka yone.

Re lebeletse pele go tshegetsa Rhyno le Omphile jaaka ba tsenya megopolo e mešwa le maatla mo sethopheng sa rona.



ED E E DIRISITWENG KA KOTARA